

Broj: 02C-10333-7/23

Datum: 04.09.2023. godine

Na osnovu člana 21. stav 1. tačka d), člana 28., člana 64. stav 1. tačka a), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim.dr.Abdulah Nakaš“, na Preporuku Komisije za nabavku od 04.09.2023. godine, u postupku javne nabavke – **PLC automatika i elektro ormar za kompresorske stanice medicinskih plinova**, direktor Javne ustanove Opća bolnica „Prim.dr.Abdulah Nakaš“, je donio

ODLUKU o izboru najpovoljnijeg ponuđača

Član 1.

Prihvata se Preporuka Komisije za nabavku od 04.09.2023. godine i Ugovor za javnu nabavku - PLC automatika i elektro ormar za kompresorske stanice medicinskih plinova dodjeljuje se ponuđaču ZULEX d.o.o. Sarajevo, konačna ponuda dostavljena dana 04.09.2023. godine, sa konačnom cijenom ponude u iznosu od 19.606,84 KM bez uračunatog PDV-a, odnosno 22.940,01 KM sa uračunatim PDV-om kao jedinom i najpovoljnijem ponuđaču.

Član 2.

Postupak iz člana 1. ove odluke proveden je metodom „pregovarački postupak bez objave obavještenja“, a za izbor najpovoljnijeg ponuđača korišten je kriterij „ekonomski najpovoljnija ponuda“ sa sljedećim podkriterijima:

1. Cijena – 10 bodova
2. Rok isporuke – 90 bodova

Član 3.

U postupku nabavke iz člana 1. ove Odluke zaprimljena je 1 (jedna) kvalifikovana ponuda ponuđača i to:

1. ZULEX d.o.o. Sarajevo sa konačnom cijenom ponude u iznosu od 19.606,84 KM bez uračunatog PDV-a sa ukupno 10 bodova i rokom isporuke: ODMAH po prijemu narudžbenice sa ukupno 90 bodova, što ukupno iznosi 100 bodova.

U postupku iz člana 1. ove Odluke nije bilo nekvalifikovanih ponuda

Član 4.

Prijedlog ugovora o nabavci dostavlja se na potpis izabranom ponuđaču uz Odluku o izboru najpovoljnijeg ponuđača.

Član 5.

Ova Odluka objaviće se na internet stranici Javne ustanove Opća bolnica „Prim.dr.Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 71. stav. 2. Zakona o javnim nabavkama.

Član 7.

Ova Odluka stupa na snagu danom donošenja, i dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **02C-10333-1/23 od 01.09.2023. godine.**

Javna nabavka je sprovedena putem **pregovaračkog postuka bez objave obavještenja.**

Dana 25.08.2023. godine došlo je do kvara na PLC automatici kompresora u Glavnoj kompresorskoj stanici. Poduzete su sve mjere u smislu hitnog poziva na intervenciju ovlaštenog serviseru za BOGE kompresore firme „Zulex“ d.o.o. Sarajevo koji su se odmah odazvali na poziv i konstatovali da je došlo do kvara na PLC automatici na elektrokomandnom ormaru proizvođača Drager. Elektro ormar proizvođača Drager nema ovlaštenog serviseru za područje BiH, centrala je u Beogradu, a veza je firma Diamedic d.o.o. Sarajevo koja je zastupnik za medicinsku opremu proizvođača Drager.

Istog dana pozvan je i servisni inženjer firme Drager d.o.o. Sarajevo koji se također odazvao pozivu u večernjim satima. Isti je potvrdio da se radi o kvaru na PLC automatici na elektro ormaru i odmah poslao greške na koje ukazuje PLC putem viber komunikacije ovlaštenom serviseru u Beogradu.

Dana 29.08.2023. godine iz Beograda je dostavljena ponuda u kojoj je navedeno da se sama PLC automatika ne može zamijeniti, da je rok isporuke PLC automatike i elektro ormara 45 dana od potvrde narudžbe.

Zbog predugog roka isporuke, neprihvatljivo je da ovu Ustanovu da čeka predmetnu opremu jer se radi o životno ugroženim pacijentima kojima je operacija prijeko potrebna i u što kraćem roku radi daljeg liječenja, pristupit će se hitnoj nabavci PLC automatike i elektro ormara.

Zbog problema sa PLC automatikom kompresora dana 25.08.2023. godine došlo je do promjene pritiska u instalacijama jer PLC sistem usljed kvara nije ispravno upravljao kompresorima. Usljed promjene pritiska i promjene temperature dolazi do pojave kondenzata. Također prilikom obrade vanjskog zraka u kompresorskoj stanici a koji je povećane vlažnosti dolazi do minornih količina čestica vlage u sistemu. Zbog velike dužine cjevovoda u kompleksu Bolnice godinama se prikuplja kondenz koji se zadržava u džepovima. Zbog naprijed navedenog problema u operacionim stubovima i utičnicama komprimiranog zraka u operacionim salama pojavio se kondenz (voda).

Također kondenz se može naći u instalaciji usljed neispravne instalacije sušača zraka na kompresorima.

Dana 25.08.2023. godine ovlaštenu serviser je konstatovao da su sušači suhi i da ispravno rade, te da nije moglo doći do pojave kondenza iz ovog razloga.

Radi kvara na sistemu PLC automatike na elektro ormaru, koji je prouzrokovao nestabilnost u pritisku komprimiranog zraka u instalaciji što je dovelo u opasnost rad skupe medicinske opreme, a u slučaju daljeg komplikovanja na instalaciji i u najgorem slučaju totalnog zastoja u radu sva tri kompresora moglo bi doći i do ugrožavanja pacijenata u Operacionim salama.

Zbog sigurnosti skupe medicinske opreme došlo je do obustave operativnih zahvata u svim operacionim salama izuzev operacione sale u Urgentnom centru i u Odjeljenju za akušerstvo i neonatologiju na kojim se nalaze aparati koji imaju mogućnost rada i na komprimirani zrak i na kisik, te Očna sala koja nema potrebe za opštom anestezijom (rade u lokalnoj anesteziji).

Otklanjanje navedenog kvara podrazumijeva hitnu zamjenu PLC automatike i komandnog elektro ormara. U slučaju neotklanjanja kvara u što kraćem roku, posljedice se mogu ogledati u materijalnoj šteti ali zasigurno i u nepružanju zdravstvene zaštite osiguranicima Kantona Sarajevo i drugih kantona zbog kojih i postoji ova Ustanova.

Realizacijom hitne nabavke se upotpunosti rješava tehnički problem u kompresorskoj stanici i ponovo pokreće rad operacionih sala u punom kapacitetu, tj. uspostavlja se pružanje zdravstvenih usluga pacijentima koji su zbog ovog kvara otpušteni iz bolnice uz obavezu Bolnice da se isti pozovu na operacioni tretman kada se uspostavi rad sistema.

Zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu se ispoštovati Zakonom o javnim nabavkama utvrđeni minimalni rokovi za otvoreni, ograničeni ili pregovarački postupak s objavom obavještenja. Okolnosti kojima se opravdava izuzetna hitnost postupka ni u kom slučaju ne dovodi se u vezu s ugovornim organom.

Procijenjena vrijednost javne nabavke bez PDV-a je **20.000,00 KM**

Komisija za nabavku, imenovana je Rješenjem broj: **02C-10333-2/23** od **01.09.2023. godine.**

Komisija za javnu nabavku dostavila je direktoru Javne ustanove Opća bolnica „Prim.dr.Abdulah Nakaš“ Zapisnik o provedenom otvaranju inicijalnih ponuda u pregovaračkom postupku bez objave obavještenja o nabavci, provedenom pregovaranju i sa otvaranja konačne ponude – hitni postupak broj: **02C-10333-6/23 od 04.09.2023. godine** sa Preporukom o izboru najpovoljnijeg ponuđača i Izvještajem o radu, u postupku javne nabavke – **PLC automatika i elektro ormar za kompresorske stanice medicinskih plinova.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 ponuda,
- da je blagovremeno primljena 1 ponuda,
- da nije bilo neblagovremeno primljenih ponuda,
- da je ponuda ponuđača **ZULEX d.o.o. Sarajevo**, kvalifikovana i prihvatljiva, da su dostavljeni svi traženi dokazi propisani tenderskom dokumentacijom, na propisan način,

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim.dr.Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijih ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđači najbolje ocijenjeni zbog:

Ekonomski najpovoljnije ponude kako slijedi:

1.	Naziv ponuđača	Ponuđač ZULEX d.o.o. Sarajevo
2.	Sjedište i adresa	Ul. Safeta Zajke broj 115 b, Sarajevo
3.	Ukupna cijena ponude bez PDV-a – 10 bodova	19.606,84 KM bez uračunatog PDV-a
4.	Rok isporuke robe – 90 bodova	Odmah po prijemu narudžbenice

Izabrani ponuđač je izabran primjenjujući kriterij ekonomski najpovoljnija ponuda.

Iz navedenih razloga, primjenom člana 21. stav 1. tačka d), člana 28., člana 64. stav 1. tačka a) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim.dr.Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:


Javne ustanove Opća bolnica „Prim.dr.Abdulah Nakaš“, Kranjčevićeva broj 12, 71000 Sarajevo.

Žalba se podnosi u najmanje 3 (tri) primjerka.

PRIPREMILA:

Amira Petrović, BA općeg prava
Šef Odsjeka za javne nabavke

Amira Petrović



DIREKTOR

Prof. dr. Ismet Gavrankapetanović

Dostaviti:

- Ponuđaču: **ZULEX d.o.o. Sarajevo**
- Odjeljenje za tehničke poslove i investicije
- Odjeljenje za ekonomsko-finansijske poslove
- Odsjek za javne nabavke
- Komisija za javne nabavke